

曲沃縣志卷之十一

水利

沃之田蓋六千餘頃其受溉於沸清溫三水者僅百頃有奇而濟溪諸細流復不可以畝計他皆高邛無得溉者昔師古註沃野曰沃溉也沃不盡溉何沃之云然余嘗經汾陰村走臺神祠下竊念臺駘宣汾洮障大澤功施於後世而汾陰或卽番係引汾之故地往蹟具在何以至今不講乎抑嘗南遊澮濱北過合干合之澗雖狹猶有隙地焉可稱可藕而澮則其壑

曲沃縣志

卷之十一

水利

寬衍可行溝洫之政遂教以爲渠爲水車爲隄而肇端於望絳南吉兩村夫舉重決渠子弟實勞且功不可以旦夕奏而余之心則終不能宴然已也志水利
清水在城東南溉田四村西周上裴莊下裴莊交里
濟溪在城南居民引以灌園

沸泉在景明村東南有分水渠明成化間民爭水數十年不息知縣劉璣鑄鐵斛定分數西孔六分北孔四分訟始罷至萬曆間奸民毀斛復起爭端知縣蒯謙更鑄鐵斛公分溉田凡六村景明林交白水下鄒東

明德西明德詳見碑記

溫泉在東海村溉田二十一村一張亭村今改西寧村
一東寧村一西許村一東許村一庭城村一靳莊村
一河上村一西常村一東常村一北常村今改小莊
村一郇村一吉許村一西縣册今改周莊村一東縣
册村一北王西村今改焦莊村一北王村一西陽城
今改羊舌村一郭寺承莊今改常家圪塔一溫泉村
其村無入北王村一郇莊村今改西海村一東韓村
今改南韓村

曲沃縣志

卷之十一

水利

二

龍底泉在林交村居民引以溉田一在冰巖下晉時架
水入城今廢

拔劍泉在任莊居民引以溉田

溢溝泉在東闔里居民引以溉田

憂感泉在柴村昔有季子思得甘泉以奉母夜夢北壑
中有水如飴明日探之果得後塞成化中知縣劉璣
濬後仍塞今濬居民引以溉田

金溝泉按平陽府志在隘口村居民引以溉田今廢

滴水溝在蒙城鎮東十里石龕內今廢